

ANTONIUS LOPEZ LURUEÑA, apud Tribunal Rotae Nuntiaturae Apostolicae
in Hispania Notarius,

FIDEM FACIO: Ab Excmo. ac Rvmo. Nuntio Apostolico in Hispania mihi
exhibitam fuisse Bullam Apostolicam subsequentis tenoris:

«PIUS EPISCOPUS SERVUS SERVORUM DEI AD PERPETUAM REI
MEMORIAM. Quo commodius aptiusque Dioecesium in catholico orbe regimini
et administrationi prospici possit, proculdubio maxime prodest illas, peramplo
aliquando territorio et magna christifidelium frequentia redundantes, dismem-
brare vel aliter circumscribere, novasque Dioeceses constituere, aliorum vigi-
lantium Pastorum curis concredendas. Quo moti consilio, Nos, de venerabilium
Fratrum Nostrorum S. R. E. Cardinalium consulto, habito venerabilis Fratris
Caietani Cicognani, Archiepiscopi titularis Ancyranus et in Hispania Nuntii
Apostolici, favorabili voto, enixis bo: me: Carmeli Ballester y Nieto, Episcopi
Victoriensis, Joseph Eguino Trecu, Episcopi Santanderiensis, et Fidelis García
Martínez, Episcopi Calaguritani et Calceatensis, precibus annuendum censuimus,
quibus ab Apostolica Sede expositum est ut, dismembratis ipsorum Dioece-
sium territoriis, binae novae Dioeceses erigantur. Nos igitur, salutari fidelium
in Vasconum regionibus commorantium utilitati consulere eosque maioribus
instruere praesidiis cupientes, suppleto, quatenus opus sit, aliorum quorum
intersit, vel qui sua interesse praesumant consensu, omnibus mature perpensis
ac certa scientia, harum Litterarum vi, de plenitudine apostolicae Nostrae
potestatis, a territorio Victoriensis Dioecesis provinciam civilem **VIZCAYA**
et a Santanderiensis Dioecesis territorio terram **VILLASVERDE DE TRUCIOS** distra-
himus, quibus sic distractis territoriis, Dioecesim erigimus, **FLAVIOBRIGEN-**
SEM appellandam. Distrahimus insuper ab eiusdem Victoriensis Dioecesis terri-
torio civilem provinciam **GUIPUZCOA**, qua dioecesim, **S. SEBASTIANI IN**
HISPANIA nuncupandam, constituimus. A Diocesi porro Calaguritana et Cal-
ceatensi partem vulgo **CONDADO DE TREVINO** seiungimus, atque Victoriensi Dioe-

cesi adscribimus. Quae proinde dioecesis Victoriensis intra provinciae civilis **ALAVA** limites hinc continebitur, addito memorato territorio **CONDADO DE TREVIÑO**; eius vero paroeciae ad quadringentas posthac coarctantur; eiusdemque dioecesis Patronum S. Prudentium de Armentia constituimus. Nova autem dioecesis Flaviobrigensis in finibus erit provinciae civilis **VIZCAYA**, addito territorio **VILLAVERDE DE TRUCIOS**, et ducentis et undecim constabit paroeciis; eique Patronum assignamus S. Ignatium de Loyola. Illius vero sedem in urbe **FLAVIOBRIGA** statuimus, atque templum ibi extans, Deo in honorem Apostoli S. Jacobi Maioris dicatum, ad ecclesiae cathedralis gradum et dignitatem evehimus. Nova tandem S. Sebastiani in Hispania dioecesis totum amplectetur civilis provinciae **GUIPUZCOA** territorium, centum quinquaginta paroecias comprehens; atque S. Ignatio de Loyola Patrono illam donamus. Huius Dioecesis sedem in urbe **SANCTO SEBASTIANO** figimus; ecclesiam vero Jesu Pastori Bono dicatam ibidem constructam ad cathedralis ecclesiae fastigium elevamus. Memoratis insuper cathedralibus Ecclesiis ita erectis earumque pro tempore Episcopis omnia tribuimus iura, insignia, favores et privilegia, quibus ceterae in orbe cathedrales Ecclesiae earumque Praesules iure communi pollent, una cum omnibus adnexis oneribus et obligationibus. Decernimus porro ut sicut Victoriensis dioecesis, ita novae dioeceses Flaviobrigensis ac S. Sebastiani in Hispania suffraganeae sint metropolitanae Ecclesiae Burgensi, earumque pro tempore Episcopi metropolitico archiepiscopi Burgensis iuri subiiciantur. Quod autem ad harum dioecesium regimen et administrationem, ad dioecesani Seminarii erectionem, ad Vicarii Capitularis, seu Administratoris, sede vacante, electionem, ad clericorum fideliumque iura et onera spectare dignoscitur, quae sacri canones praescribunt rite servari iubemus. Volumus quoque ut omnia documenta et acta, novas respicientia dioeceses earumque clericos et fideles, cum primum fas erit, a Curiis Victoriensi et Santanderiensi ad Flaviobrigensem et S. Sebastiani in Hispania quasque Curias in propriis archivis asservanda transmittantur. Item a Curia Calaguritana et Calceatensi ad Victoriensem Curiam tradantur documenta et acta, quae **CONDADO DE TREVIÑO** respiciunt. Utriusque novae dioecesis mensas episcopales praeter Curiae emolumenta, oblationes et dotem a civili Gubernio adsignandam, constituet etiam rata pars bonorum, quae hucusque ad episcopalem mensam Victoriensem pertinuerant, quaeque aequitative inter Dioeceses partientur, assignatis tamen Victoriensi dioecesi omnibus bonis immobilibus in provincia Alava exstantibus, nec non pecuniae summa in aerario seposita. Cetera bona hac quae sequitur ratione distribuentur: Foundationes, seu Pium acervum quod vocatur, Dioecesi illi cedantur, in cuius personae moralis vel entis favorem constitutae sunt; item annuae

pensiones, studiorum causa tribuendae, tradantur Seminario in cuius favorem erogatae sunt; vel, si in certi iuvenis aut in iuvenis certae terrae statutae sint favorem, tradantur Seminario Dioecesis, cuius iuvenis incola sit, vel dioecesis ad quam pertineat terra. Foundationes et annuae pensiones studiorum causa, absque ulla determinatione constitutae, inter dioeceses aequitative dividuntur, prae oculis habitis maioribus dioecesis Victoriensis necessitatibus. Bona tandem liberae dispositionis aequitative item, seu ex proportionem, inter dioeceses partiantur, salva semper offerentium voluntate. Ad clerum autem quod peculiariter attinet, mandamus ut unusquisque sacerdos illi dioecesi incardinatus sit, in cuius territorio, simul ac hae Litterae Nostrae ad executionem demandatae fuerint, beneficium aut ecclesiasticum officium legitime obtineat; indulgemus insuper ut quisquis sacerdos, ipsius rogatu, adscribi possit dioecesi illi, in cuius territorio quocumque onere vel officio detentus sit. Iisdem autem praesentibus Litteris eademque suprema auctoritate Nostra in utraque cathedrali ecclesia, uti supra constituta, canonorum Capitulum erigimus et constituimus, cum omnibus iuribus et praerogativis, oneribus et obligationibus, quibus alia in natione Hispanica Capita Cathedralia iure communi reguntur et ornantur. Utrumque porro Capitulum, Flaviobrigense scilicet et S. Sebastiani in Hispania, quinque constabit dignitatibus, id est: Decano, Archipresbytero, Archidiacono, Cantore et Magistro Scholae, quatuor canonicis «de officio», quorum unus ad theologi, alter ad poenitentiarum munus, ad iuris normam deputentur, et septem canonicatibus simplicibus, quibus addi possunt duo decem mansionarii. Dignitatum collatio Apostolicae Sedi reservatur; nominatio vero canonorum ad Episcopum spectabit, servatis de iure servandis et reservationibus manentibus, de quibus in canone 1435 Codicis Juris canonici. Utriusque Capituli Canonorum vestis choralis eadem erit, quae a capitularibus cathedralis Victoriensis adhibetur. In ceteris omnibus iuris praescripta adamussim servantur. Canonicales autem praebendae dote constituentur a civili Gubernio adsignata. Ad quae omnia uti supra deposita et constituta in executionem mandanda quem antea memoravimus Nuntium Apostolicum in Hispania, sive eum qui in executionis actu Nuntiaturae praesit, delegamus eidemque necessarias et opportunas tribuimus facultates, etiam subdelegandi, ad effectum de quo agitur, quemlibet virum in ecclesiastica dignitate constitutum, eidemque onus imponimus ad Sacram Congregationem Consistorialem, cum primum fas erit, authenticum peractae executionis actorum exemplar transmittendi. Praesentes autem Litteras et in eis contenta quaecumque, etiam ex eo quod quilibet quorum intersit, vel qui sua interesse praesumant, etiam si specifica et individua mentione digni sint, auditi non fuerint vel praemissis non

consenserint, nullo unquam tempore de subreptionis, vel obreptionis aut nullitatis vitio, seu intentionis Nostrae, vel quolibet alio, licet substantiali et inexcogitato, defectu notari, impugnari, vel in controversiam vocari posse, sed eas, tamquam ex certa scientia ac potestatis plenitudine factas et emanatas, perpetuo validas existere et fore, suosque plenarios et integros effectus sortiri et obtinere, atque ab omnibus ad quos spectat inviolabiliter observari debere; et, si secus super his a quocumque, quavis auctoritate, scienter vel ignoranter contigerit attentari irritum prorsus et inane esse ac fore volumus et decernimus, non obstantibus, quatenus opus sit, regulis in synodalibus, provincialibus, generalibus universalibusque Conciliis editis, generalibus vel specialibus Constitutionibus et Ordinationibus Apostolicis et quibusvis aliis Romanorum Pontificum Praedecessorum Nostrorum, dispositionibus ceterisque contrariis, etiam speciali mentione dignis, quibus omnibus per praesentes derogamus. Volumus denique ut harum Litterarum transumptis, vel excerptis etiam impressis, manu tamen alicuius notarii publici subscriptis, ac sigillo viri in ecclesiastica dignitate vel officio constituti munitis, eadem prorsus tribuatur fides, quae praesentibus Litteris tribueretur, si ipsaemet exhibitae vel ostensae forent. Nemini autem hanc paginam dismembrationis, erectionis, constitutionis, concessionis, subiectionis, statuti, mandati, delegationis, derogationis et voluntatis Nostrae infringere vel ei contraire liceat. Si quis vero id ausu temerario attentare praesumpserit, indignationem omnipotentis Dei ac beatorum Apostolorum Petri et Pauli se noverit incursum. Datum ex Arce Gandulphi anno Domini millesimo nongentesimo quadragesimo nono, die secunda Novembris mensis, Pontificatus Nostri anno undecimo.—*A. L.*, Pro S. R. E. Cancellario.—*F. Card. Marchetti-Selvaggiani*, S. Collegii Decanus.—*Fr. A. J. Card. Piazza*, Epus. Sabinen. et Mandelen. S. C. Consist. a Secr. — *Arthurus Mazzoni*, Protius. Aplicus. — *Bernardus De Felicis*, Prot. Ap. — *Alfridus Liberati*, Canc. Apost. Adiutor a studiis. — «*Expedita*» die vicesima prima Aprilis Anno «duodecimo» *Alfridus Marini*, Plumbator.—Reg. in Canc. Ap. Vol. LXXIX.—N: 10.—*Aloisius Trussardi*.—*A. Marini*, Scriptor Ap. licus.»

Antecedens transumptum fideliter concordat cum originali, in quorum fidem has litteras manu mea subscribo

Matriti, die 12 mensis Maii, anno Domini 1950.



Antonio L. Lombrardi

Vidimus:

x *Layetano Lopez*